

容

齋

詩

集

容齋續集序

余於丙辰秋來治綿上茹容齋先生以所著詩集二十卷示余詩律淵邃知其傳後無疑矣先生才富學贍兼綜博覽沉酣六籍鎔鑄百家故其為詩雄峻而清新慷慨壯而婉麗蓋浸淫於古者淡也續集六卷為先生近年所製詩格之老益入唐人間奧昔人謂老去漸於詩律細又謂詩愈窮則愈工以先生之淹雅兼該藻翰復美足以笙簧藝苑鼓吹休明乃至屢躋名場鬱、終老余讀其詩未嘗不悲其遇也然自古詞人才士多以詩鳴先生歛

欵磊落卓然成一家言後之攬者吾知其必有感也區區得失何足繫達人之懷抱哉憶余自文水量移綿上簿書鞅掌雜沓紛紜幸得與先生於政事之餘以詩札相贈答如爽氣之撲我眉宇也如清泉之沁我心脾也眼界歛開塵襟若滌高山流水先生其移我情乎余宦踪歷碌行將去矣俗物填胸誰可與言詩者余欲假先生此卷付之鈔胥置諸行篋於月明雲淨時登太行絕頂朗吟數過又將遇先生於高山流水間也

嘉慶三年仲秋既望午橋弟祝德全拜題

晉竺主人之詩初刊於唐寅再刊於丁未迄  
今已未忍々又十餘年矣光陰彈指白髮盈顛  
舊學銷亡恍同隔世凡有吟咏亦祇遣愁送日  
而已燭之武曰臣之壯也猶不如人今老矣無能  
為也已主人之詩大率類是乃或者謂老樹着  
花都無醜枝老松漸於詩律細古之人未嘗以  
老為嫌也然此在少陵則然障而至於樂天放翁  
論者尚以為晚年篇什不免頽唐等於強弩之  
末况末學哉第緣情紀事感舊懷人言不忍盡  
棄者因復釐為六卷藏之篋衍覆甌館蠹固

無不可倘他日別有機緣獲付剞劂藉以質之  
騷壇宗匠豈非厚幸而要非主人之所能必矣  
嘉慶四年己未仲春容參主人自識時年六十有六

容齋詩集目錄

卷二十一

偶存集八十五首

卷二十二

諷諭集五十六首

卷二十三

杖鄉集四十八首

卷二十四

可閒老人集五十三首

卷二十五

紀 恩集六十六首

卷二十六

漫叟剩稿八十五首

卷二十七

古香詞附七十首

容齋詩集卷二十一

綿上茹綸常文靜

偶存集

余詩自丁未付剗刷後擬更不作即使間有  
酌應亦不存彙蓋不獨學植荒落文通才盡  
而亦以精力之就衰也袁簡齋太史云鶯老  
莫調舌人老莫作詩殆謂是歟然結習難除  
不忍割愛亦遂有偶存者其能免於馮婦之  
笑乎以之名集用志余愧

茅山雜咏四首爲楚中張耘溪作卽次其



韻耘溪爲白菴先生子十餘年前來介寓  
碩亭明府署中以茅山八咏索題時余病  
初起不能構思勉爲賦五言絕句八首彙  
隨散失及邇年耘溪再過介猶譽及之然  
余已漫不省記爲何物矣戊申仲春偶檢  
篋衍得耘溪原作因復次韻成四首以存  
梗槩不能遍和也

青峰

天籟生虛澗山光撲亞青  
低鬟疑擁髻遠岫若攢  
星雨過雲烟迴風迴草木馨  
晚來江上望一氣入

空冥

黃峰

更愛黃峰好何當此結茅古苔侵屐齒夕照滿林  
梢酌酒青溪曲看花翠嶺均倘教逢石髓那羨大  
官肴

雲峒

一線傳初闢

峒爲白菴先生始闢

因探造化奇地偏心自遠

雲在意俱遲

杜句

聚族携樽酒論文歷歲時

每歲春携酒肴

會族中人講藝於此

陰崕頻過取相與采華芝

水洞

峭壁相依倚沿洄一徑幽花看藏洞口魚擬膾鯢  
頭咽石清流漫迎風碧樹秋廖公詩句在更欲問

羊樓

洞中二里許有白雲樓明  
廖鳴吾先生有羊樓詩

雜詩

寒暑有往來日月有盈昃事會幾推移物運遞通  
塞人生百年中榮悴只頃刻無多少壯時早已桑  
榆逼何者爲訑訑何者爲惻惻文章命與憎高明  
鬼所慎齒剛謝舌柔知白尙守黑珍禽赫鴟鴞嘉  
卉傷枳棘美玉同砭砭嫫母成傾國世事亦何常  
母爲三嘆息

送魯心齋之官淑浦

離亭杯酒足炎氛折柳匆匆別思紛  
仙鳥遙臨沅水驛峭帆高挂楚江雲  
功名馬援於今烈詩句龍標自昔聞  
他日絃歌徵雅化五溪應許頌神君

題徐虹亭太史詩後

一編宮體羨徐摛哀艷真看托興微  
聞說雞林聲價重也如蠻徼織弓衣

送李鄭良廣文歸高平

槐市重來又十年

君兩秉鐸綿上

一官初轉賦歸田

時遷學正

告歸尊鱸有興名心盡桃李無言別思偏  
丹水秋開

元亮徑綿山人憶鄭公  
鶴劇憐白髮交遊在樽酒  
臨岐更惘然

沈純甫扇頭見其從弟芳洲焦山阻風詩  
繪愛其工絕次韻題贈

焦山懷往事好景畫圖中  
宵靄吟情遠蒼茫眼界  
空江寒瓜渚月舟阻石尤風  
明日送君處孤踪又

楚東時將之楚中

次韻醉沈芳洲寫折枝牡丹見贈之作

貌得姚黃官樣花愛他小謝擅才華  
遇風昨睹西陵句信是詩家又畫家

芳洲爲純甫從弟前見其焦山阻風詩繪於純甫扇

頭

中秋送芳洲之楚中

最好中秋月離樽更莫空詩才杜牧迥畫品虎頭  
工上客蓮花幕時將往制臺幕中長歌桂樹叢相思視他  
日應或有來鴻

苦寒行用杜韻

比鄰臘鼓鳴不絕冬暖方愁無雨雪詎意高陽奮  
呵噓頓使崑崙凍欲折竹栢傷死鶴語寒馬牛踏  
踣烏啼血行人墮指膚皸裂

北風怒號時薄木荒邨野老愁仰屋一家啼饑復

苦寒積陰翻驚動地軸旬日前有地震之異彼蒼好生理無

酷待看土潤汾流漸明年多麥誰得知

哭於藝二首

奔走頻年未息機到頭萬事已全非一官悞汝殊  
方死千里憑誰旅櫬歸白首招魂思黯淡空梁落  
月夢依稀最憐寂寞僧窻下剩有禪燈照總幃

哭君猶憶送君詩昨歲余有送君詩閱盡炎涼又一時門

戶衰微看弱息米鹽辛苦問熒發棲鸞枳棘神先  
瘁賦鵬湖山數最奇寄語阿咸須鄭重歿存泉下

有心期謂遂田孝廉也

小除前一日簡張堃塘沈純甫

米券煤逋取索頻一枝誰寄隴頭春偶來弄筆閒  
窻下最憶紅蓮幕裏人

幾點梅花逼歲除惱人塵務更紛如白頭笑我真  
癡絕短札頻題爲乞書

時有札  
乞書

用前韻寄汪守愚明府乞書

八法羣推最絕倫乞書那憚往來頻只愁好事爲  
君笑不類非公不至人

梅花官閣興何如結習應知老未除記取春風新  
歲約乘閒好做米顛書

君書法辨  
香海岳



除夕謝王碧園送酒

碧園靈石人

胸中壘塊固須澆臘尾年頭又此宵却喜故人能  
好事一瓶佳釀寄來遙

次韻和閻潔甫除夕咏懷之作

赫赫西鄰富寂寂東郭貧欣戚亦何多要非磊落  
人君抗周孔思我羨懷葛民爆竹聊餞歲芳梅欲  
迎春白頭且爲樂一樽門閒身嗟彼夸毗子營營  
喪其真

農事

以下已酉

民生有本業稼穡乃所營東臯農事亟早見鶴鷓

鳴好雨知時節播種以爲程我來恰半醉天風吹  
解醒誰者禳田祝我懷擊壤情遐哉古之人未遑  
漢書聲藉以勤四體更無異患授太平稱至樂惟  
在讀與耕

西府海棠二首

一回相過一回看總使無香亦自妍坐向紅妝銀  
燭下便應喚作海棠顛

尋春漫惜較來遲正是芳園雨霽時怪煞成都浣  
花老傾城如許不留詩

瓶中梨花

穠華桃李已成空  
冷艷還愁柳絮風  
最是春陰簾外重  
一枝留得膽瓶中

立夏後一日雨中讓庭明府招賞南邨園  
牡丹二首

天香飄拂欲生寒  
帶露同擎赤玉盤  
爲惜昨宵春已去  
名花來向雨中看

國色朝酣散綺霞  
諸姨秦虢鬥豪華  
只愁島瘦郊寒客  
不稱去姚黃魏紫花

苔雨三首

積雨青苔長  
荒堦蔓草偏  
懷人孤枕外  
倚杖晚風

前蟻垤無乾土  
豨雲有漏天  
傷農還厯慮  
詎止損高眠

纔有開晴望  
旋爲淫潦愁  
壅泥妨屐齒  
生耳累禾頭  
飄颻秋聲急  
空濛水氣浮  
近河諸郡邑  
那復免漂流

幾日樵蘇絕  
何時道路通  
兒嘔書屋漏  
婦慮米瓶空  
飲酒同陶醉  
吟詩遜杜工  
只將苦雨句  
奉寄隴西公

杜有苦雨奉寄隴西公兼呈王徵士詩時將索和曉園故戲及之然亦趁韻也

曉園抱孫逾月復舉一子恰值得閒廬落

成有詩招飲次韻奉酬

欣從吉夢問維何新葺精廬此又過覆徑濃陰藤  
樹老侵窻疎影竹林多招邀賓客堪豪飲拂拭琴  
書好放歌却笑兩番湯餅會白頭難博醉顏酡  
余不能飲故戲及之

介林卽事

介林一名神林

黛色參天萬木稠介公祠宇迥千秋十年訪古重  
相過應使山靈笑白頭

禁火綿田有故墟一樽還爲倒清沽他年誰識題  
名處五月神林看鼠姑

題書簡石壽文字二兄

臭如蘭介於石以壽君踰耄耄

初秋寄懷魯心齋

銀盆新汲蠟嬰浮砧杵千家及早秋却憶故人宦  
天末望鄉應上曝衣樓

江口西風激水流五溪漫爲折腰愁時平羨爾神  
明宰高卧元龍百尺樓

雨中寄讓庭明府

時同平陽仇郡伯遊南  
邨園

兼旬淫潦卒難收聞說園林有勝遊五袴歌謠傳

晉鄙一麾聲望重荊州

仇以部  
郎出守

樽前丹桂飄香遠

檻外青山積霽稠新霽倘逢三五夜更看明月過

南樓

時中秋  
節近

聞芝田卒於津門

故國霜前木葉摧，津門遙望不勝哀。  
詩狂自昔輕餘子，蘭臭從今失雋才。  
月黑楓林魂乍返，秋高華表鶴頻來。  
名山至竟成何事，齋志空憐向夜臺。

別來萍梗幾星霜，風雅豪華總斷腸。  
兩世未能歸

淺土

時尊甫  
尚未葬

一家徒許滯殊鄉，西園選勝曾聯咏。

北里徵歌共舉觴，回首友聲陳跡在。  
底堪重過酒

壺傍

已酉長至雪中讓庭明府招飲聽歌卽事

感懷漫成六首其末章則專贈汪少君兩

令嗣也

吹葭令節又相催一曲清歌酒一杯  
恰喜當筵飄白雪謝庭柳絮漢宮梅

老廁歡場本不宜風懷綺歲苦難追  
何圖酒綠燈紅夜竟似旗亭畫壁時

銀甲鳴絃酒半醒憑誰曲誤顧諸伶  
白頭莫笑顏唐甚曾向周郎座上聽

舊曾於孫默菴觀察座中  
題詩贈歌兒有只今識得

櫻桃鄭  
之句

錯認櫻桃舊日身鬢絲羞對歲華新  
枚生鄒老風



流盡誰是梁園作賦人

舊與田夫西郊有咏雪用歐蘇禁體語韻諸作

遮莫臨風喚奈何輸他擁鼻唱迴波

侯君壽愷最喜度曲故戲

及之更教起舞爲君壽聽我徐卿二子歌

照乘雙珠四座傾芝蘭爭羨玉階生他年才調冬  
郎似好聽丹山雛鳳聲

雪中坐蠟梅花下感懷漫賦

天宇皓然渺無極六出花飛散簷蔔蕭齋更喜有  
黃梅索笑巡行過覩北玉樓疎合霏生香脉脉相  
看寡酌卽折脚錯且罷摩挲焦尾琴還供拂拭朔  
風捲絮漾簾旌飢雀棲檐重啾唧杯中紅友呼莫

來市上烏薪求不得對此茫茫感百端往事重提

淚沾臆當年縞紵半老蒼角咏揮毫交賞識酒罰

時依石季倫詩派不推黃魯直南樓高會月初升

北里新歌日西匿樂與友聲兩接聯謂樂與友聲兩詩社也

屑玉縷金同藻飾詎圖雲散與星移生死交情總

悽惻幾人冲舉返道山幾人寂滅歸淨域謂帷園田夫西

郊蘭谷竹泉書集蓋或且旅櫬滯津陽時芝田歿於直沽尚

未歸或且雪衣羈京國松晚遭母喪寓都門招魂未得入夢

頻屋梁關塞空相憶卽今同調已無多白髮龍鍾

誰矜式統袴兒解恣驕奢田舍翁知事慳嗇松栢

經冬見性情桃李逢春逞顏色世間族類苦難齊  
人情翻覆真叵測絕交中散漫沾沾送窮退之何  
亟亟好將冰雪浣俗腸莫向梅花歌偈仄閉門聊  
復學袁安坐久如聞花嘆息

口占送彭梅谷少府之太原

送君無計挽征驂草草離歌唱莫嫌官柳難攀斜  
照迥嶺梅欲放朔風嚴歡場未許杯同把聞有以歌筵饌  
者舊局休忘子對拈君每與余輩會奕省會若逢楊別駕

謂官山爲言貧病老來兼

春郊卽景以下庚戌

春風侵曉劇吹我出郊垌近水烟初霽連山草未  
青茶坊鄰古寺酒旆出長亭隨處耽幽與巾車爲  
小停

素堂先生墜馬傷臂枉詩見示用韻奉酬

五馬邊城舊有聲

君曾爲蘭州守

漫因一蹶愧平生強依

僮僕杜工部轉作詼諧石曼卿遣興酒杯從客醉  
消閑春晝得詩成他年倘若三公兆好更馳驅蒼

聖明

戲效齊梁體二首

明月同郎意穠花比妾顏但得年年好安能夜夜

圓

穠花同妾貌芳草比郎情花從堦下種草向路傍生

送讓庭大尹擢忻州牧入

覲時抱病初痊

秋風薦爽疾初瘳惆悵征輶更莫留五斗久教淹下邑三刀今得典名州米家書畫曾題品君處出書畫示余金谷園林共唱酬從此白頭同調少幾回迢遞

憶前遊

乾隆五十五年庚戌中秋前二日恭遇

皇上八旬

聖壽萬國來朝普天同慶臣草野疎賤雖未躬親

鵷列實亦世荷鸞封僭成七言律詩四

章敬展微忱用效華祝

文思

天子正當陽九袞將開樂未央玉珮錦衣咸侍從  
雕題鑿齒並梯航彤庭近上千秋錄草野遙稱  
萬歲觴獨有小臣無以報葵傾暄負荷

龍光

九如爭擬頌

君王此日千官肅拜颺景運直同山海永遐齡

應共地天長落戈書陋唐貞觀聯詠詩  
啜漢栢梁  
嵩祝恰逢其獲月昇平人盡樂豐穰

膏雨均霑逋負蠲八旬

恩詔久傳宣

元旦日卽降  
恩詔

作歌共仰卿雲製式燕

邊廣湛露篇天見壽星呈上瑞人登奏牘羨長年  
民間壽踰百歲者  
詔許題明旌表  
十三萸莢初開處早喜晴霄皓

月圓

節近中秋爽氣饒

御鑪烟裊桂香飄

九重地迥

鑿儀肅五色雲開

黼座遙多士先

效承

雨露

大學諸生特免坐監一月

降王盡許聽簫韶白頭

慚未陪鵷序只效華封祝

帝堯

送張埜塘之都門二首

蓮幕爭傳國士名送君那盡別君情秋高汾水滄  
波迴日落燕山疊嶂橫但使松筠同晚節何妨出  
處異平生他年會有相逢日車笠還堪續舊盟

誰共南樓坐月明一樽別酒且同傾

汪明府於中秋招飲餞君

北上蓋簪漫惜人將去借箸偏驚歲屢更楊柳河橋  
紛落葉雁鴻關塞有離聲憑君寄語蘭州守

謂素堂



白髮臨風望 帝京

題顏麓喬少尹寄內詩後

荳蔻書函密思牽  
色絲黃絹門清妍  
莫嗤老去風情減  
愛讀秦嘉贈婦篇

庚戌初度口號

又此逢初度  
移樽泛菊英  
頰甘醉賀客  
老悔負詩名  
不盡思親淚  
寧忘砥憤情  
時長子遠出  
更誰能作達

神釋效淵明

重九前一日寄懷松曉

一杯濁酒罷登臨  
獨坐東籬倚醉吟  
讀禮燕臺懷

舊雨論詩渤海失知音

謂化南

秋來差喜黃花放老

去空慚白髮侵此日雁鴻勞悵望報書還待鼓祥

琴

重送讓庭明府

好逐秋風向 帝鄉中朝治績重龔黃幾年汾曲  
留棠蔭此日離亭泛菊觴青眼獨憐交耐久白頭  
空惜意偏長衝寒歸路梅初放折贈休忘遠寄將  
九日送別有道祠與諸同人小飲漫成

老減登高興東郊逐隊來勞勞還送客草草且衝

杯斜日餘衰柳清風緬古槐

有道祠前有漢槐一株

輸他彭

澤宰頻問菊花開

時思湖明府屢  
詢南郊園菊

重九後十日曉園招陪徐思湖明府南郊

園看菊

重陽記共把離樽

九日送汪明府與  
同人小飲有道祠

此日還看菊

尚存舊狎霜姿誇老圃新添洋種羨名園遙天雁  
唳寒雲杳古木鴉翻夕照昏誰似飛鳧仙令尹簿  
書拋却到閒邨

欣從佳會續登高落帽風前客興豪裏露漫賡陶  
令句餐英擬廣楚臣騷空林秋色留紅葉小部歌  
聲送綠醪

時座中有  
歌童侑酒

醉向東籬懷往事

舊與邑中  
諸詞人多

觴咏  
於此  
底堪種種愧頭毛

再集南邨園次曉園韻

落木風高此又來東籬笑口好頻開香評紫白紅  
黃菊飲較甘酸苦辣醅解組君饒棲隱計題糕誰  
負出羣才獨憐往事增惆悵老去愁教首重回

在時

每與西郊蘭谷諸君  
於花時燕集園中

立冬後五日過三家狐巖諸邨卽景漫成

爲問中山釀初停下澤轅風迴沙磧冷水急石渠  
喧鳥雀高低樹牛羊遠近邨歸途有新月未用慮

黃昏

白六帖

慨自屺山歿百家咸爭鳴義不準聖賢書肆與說  
鈴漢人崇經術湛深未可輕宋儒講性道所重在  
躬行後世益浮薄讀書爲利名勦襲博朱紫影響  
驚聾盲詞華何足尙況復學無成可憐純禠兒目  
不識一丁白公有六帖頗類五侯鯖閒中尙懶祭  
猶賢博奕爭漫啜兔園冊架列陶家瓶

寄送顏麓喬少尹二首

以下辛亥

河橋楊柳漸成絲正是青門餞別時却笑病餘窮  
老友空函寄得數行詩

竹馬重迎會有期，攀留何計慰離思。  
憑君携取陽關句，吟向長亭伴酒卮。

賦得閒聽鳥語忘長晝

得長字

鳥語閒聽處，渾忘白晝長。  
宜人方睨睨，入耳更悠悠。  
揚坐久啼仍換花，深響莫藏會。  
心真不遠樂，意自相將宛。  
宛移朝漏遲，遲送夕陽獨。  
嫌北窻下妨我夢，養皇。

題朱昆田漁笛小橐二首

詩自君家事，人稱小朱十。  
總教遜乃翁，不愧斜川集。

短折空嗟爾青雲莫致身一般名父子輸與緯蕭

人

謂宋山言

南邨園卽事呈曉園主人

節序剛逢穀雨過韶光桃李眼前多鶯堪砭俗鳴  
春樹燕爲銜泥浣綠莎白首嬾爭棋外劫紅牙愁  
按酒邊歌知君欲墮看花淚

時曉園  
方悼亡

我亦臨風喚

奈何

呈思湖明府

愛向南園玩物華輕陰小雨又隨車連村宿麥情  
千頃帶郭垂楊綠萬家別院歌聲方縱酒

時余與  
魯山長

別座得  
閒廬

當筵春色正飛花憑誰記取尋芳會已較

蘭亭半月餘

季春晦日聞松曉歸自都門口占奉寄

芳草天涯路風花渺莫攀恰當春欲去乍報客初  
還對酒增遙思談詩笑彊顏別來無可道只有鬢

毛斑

中秋後二日松曉招飲看齋中桂花

天香飄處十分秋愛過薊林訪舊遊蟾窟早攀輪

桂客

謂王繡  
堂孝廉

小山曾賦記詞流

蘭谷主人每於桂  
花開時譙集賦詩

一樽風月清談愜千里關河白髮愁

時長子留  
滯都門

最



是良宵有佳興共君舒嘯坐南樓

杪秋書懷二首

倚杖空階數暮鴉高城時復聽鳴笳黃梁夢幻悲  
身事白髮秋深感歲華飽蠹只餘書可讀浮蛆差  
賴酒能賒輸他粟里饒清興猶得東籬對菊花荒齋  
今歲無菊不勝寥落之感

青山黃閣兩蹉跎回首雕蟲奈老何敢惜眼前同  
調少翻憐泉下故人多息機有意還耽奕叩角無  
心且放歌莫更登高望天末西風不見塞鴻過

戲簡曉園

北海賓朋座上多鯨魚入夜近如何料應紅燭擣  
蒲罷只覆澆愁金叵羅

雪中閻潔甫以詩見投時緣下堂傷足呻

吟之餘率爾奉酌

飄灑空堦夜雪稠端居人抱子春憂漫嗤東郭無  
完履却恐山陰有去舟斃釐已輸葵衛足曹騰還  
藉酒扶頭知君不乏探梅興驢背詩成更待酌

傷足行

朔風凜冽陰初凝敝幃夜氣沉昏燈我時下堂正  
傷足嗒然隱几如癡蠅鷺拳蛭縮殊跼束首蓬鬚

磔何鬚髻此身髮膚有所受念之涕淚還沾膺世  
途跬步多蹉跌目前夷險真難憑大抵人生皆有  
命少壯覆轍嗟頻仍余自少及老方三患此矣掃愁只宜傾綠  
醕化尻安用扶紅藤酒酣呼兒具毫素氣麤語澁  
思嘗騰折臂三公詎足賀子春憂色無徒增白頭  
蹒跚笑且任朱門趨競羞或承他日倘饒雙屐健  
便擬踏雪凌層冰可惜桑榆景已逼五岳未一能  
躋登君不見古來垂戒在滅趾一失足時爲世咎  
不任趨拜元魯山半人人稱習鑿齒並有令名垂

青史

除夕自題詩集後三首

屠蘓羸得酒盈卮  
檢點奚囊又一時  
却笑老猶難  
免俗卷中留得供官詩

嘔餘心血鬢成絲  
險覓狂搜漸不支  
太息三君皆

宿草

謂帷園田夫西郊也

箇中甘苦更誰知

儷青媿白漫相矜  
鰲擲鯨吐愧未能  
會得風騷微  
旨在始知慧業有傳燈

容叅詩集卷二十二

綿上茹綸常文靜

諷諭集

白傅諷諭詩愷惻周詳意旨錯出晁晁動人  
說者謂其源出於小雅也余每愛之未遑擬  
作辛亥嘉平綠下堂傷足閉戶謝客遂倣其  
體僅得十餘篇蓋不獨才學遠謝古人而草  
野之所不宜言與夫風俗之凋敝言之不勝  
言者皆略焉雖辭繁意激有所不免然培風  
勵俗亦微有裨焉覽者尙無概視爲老生常

談也其他諸作亦多楚音遂並以諷諭名集

諷諭詩十四首

偏仄行 憫行役也

偏仄復偏仄遊子苦登陟天寒多悲風白日已西  
匿斥堠橫道傍腹餒不遑食故鄉千萬里安能生  
羽翼淒涼暮笳聲慘淡浮雲色微微野火紅遙遙  
山徑黑儔侶相依倚中懷獨悽惻感茲歲云暮行  
役未能息

慷慨行 惡宛悼也

世途多陷阱世態多披猖眯目數黑白昧心論否

藏甚者恣暴戾公然肆講張少卽類梟獍長而同  
豺狼不顧父母養安知禮義防或操同室戈或競  
鬪於墻或負恩反噬或假手相戕結交吏與胥茶  
毒里與鄉悖淫暨縱欲種種何能詳方詭鬼蜮技  
詎料蓋彌彰既冷識者齒徒激壯士腸終焉惡貫  
盈能弗罹禍殃狴狴固可怪蚩蚩還堪傷是賴賢  
父兄蒙養端義方更賴良有司懲惡庇淳良誰爲  
風俗憂念之重慨慷

谿壑 戒貪婪也

谿壑非可盈簞簞恒不飭天地有終窮人心無究

極既貴猶躁求既富猶貪得貴或至震主富且堪  
敵國以財役閭里以勢恣陪克熏灼走冠蓋第宅  
煥華飾自謂久能據安知事叵測驕侈不旋踵已  
至成顛踣始也爲衆尤終焉且自賊樂禍與厚亡  
夫豈非大惑寄言富貴人尙當崇令德

葵傾篇

勸忠蓋也

委質向彤庭自當秉忠一蹇蹇嘆匪躬休休中若  
揭宣力效股肱建言司喉舌勞瘁寄邊疆贊襄備  
密勿或初邀一命或進參九列或爲郡邑牧或操  
南董筆大小與中外隨分宜自竭爵祿固可羨夫



豈宜忝竊立朝重伊周治國欽管葛後世總有才  
恐難齊往哲毋縱谿壑欲尙矢廉慎節小民雖易  
虐天聽自能悉一飯期不忘報稱愁隕越嗟我負  
暄人尙欲獻吾君不見園中葵向日亦自欣

捕梟篇

期孝順也

立身貴務本孝爲百行先古來稱帝舜孔門有與  
讐爲子人所同不獨聖與賢苟非生空桑難忘劬  
勞恩富貴暨貧賤會當共勉旃奈何流俗輩竟爾  
昧承歡貨財私妻子奉養爲具文甚者嗔老贅父  
在子自專旬朔常不面安望省晨昏相逢如陌路

傲然絕瞻循反詈與報擲閭里蓋傳聞彼方自誇  
詡蔑視行輩尊呢呢談父過曾不少腆顏非孝爲  
無親其罪上通天馬牛而襟裾予於彼何誅願下  
捕梟令反哺旌慈烏

谷風篇 戒居室也

人倫有資始夫婦化所基在禮有必敬和順家以  
肥後世失其道婚嫁謬是非低昂較門戶豐儉論  
財貲位儷不取德惟求傾欲姿甚美有甚惡此理  
誰能知始而豔爛處終則牝晨司或奴視其夫笞  
詈無可辭或使役其妻媒狎靡不爲或縱前夫子

或虐前妻兒型于杳莫聞豈有美可治平李陽謂  
不可敬通嘆數奇更有寵姬妾反目成乖離秋扇  
遭捐棄落花辭故枝羞咏靡蕪句愁歌谷風詩家  
法苟如此何以垂令儀寄言夫與婦慎勿爲人嗤

常棣篇

思愷悌也

古人能讓產今人多閹墻同氣有乖戾門戶何由  
強顧我羣從間永好期相將豈曰非同父誼遂疎  
雁行言言效忠告事事代劬勩外侮爲之禦內患  
爲之防勸之敦厚德豁刻當餘殃勗以親正人宵  
小損難量當面亦忻然轉瞬卽背忘本非欲市恩

何竟成參商。創行而逆施。一一安忍詳。或者譏妬口。能令昧否臧棄遺。何足道。慎無自相戕。斗粟與尺布。行道爲悲傷。一咏豆箕詩。三復常棣章。庶幾翻然改。予將日相望。

伐木篇

傷友誼也

松柏生高原。直幹難爲攀。桃李栽芳園。穠華易取妍。松柏歷霜雪。久久節彌堅。桃李經風雨。萋萋花早殘。所以古賢哲。擇交慎所因。傾心青雲士。屈志老成人。面友與面朋。輕薄何足論。里巷紛徵逐。飲博恣爲歡。指天誓生死。握手傾肺肝。富貴爭趨附。

貧賤衆棄捐轉瞬不相識寧待杯酒寒患難且下  
石安望引手援會文以輔仁如斯何賴焉結綬笑  
蕭朱刎頸羞張陳傷哉谷風什爲歌伐木篇

有鳥

有鳥有鳥名百舌舌端反覆眞無匹隨柳綿蠻媚  
晚風傍花間關弄曉日一身更無好羽毛只效衆  
禽強相聒巧言獨擅三春時緘口誰憐仲夏月鳳  
皇下令欲除讒知爾定膺妻罪罰

有鳥有鳥名曰鳥歲生九子尾畢連惟有小者能  
返哺白脰大嘴種各殊朝來秦氏樹間坐夜向庭

秋門上呼元白詩篇多慷慨都官前後分毀譽見  
說天教表純孝銜鼓羣集顏鳥居

有鳥有鳥名勃鳩兩鳩晴鳩爲匹儔天雨兩鳩逐  
之去天晴晴鳩呼不休吁嗟鳩兮其子七爾何與  
婦常相失固應衆鳥笑爾拙鵲雖有巢爲爾羞舊  
時懷袖曾見投我今老病成白頭不聞爾鳩化金  
鈎

有鳥有鳥名曰雉五色羽毛如錦綺厥性耿介爲  
士儀以薦宗廟稱疏趾野鷄之呼豈其宜與呂同  
名爾應趾不須嗅作集山梁好爲來朝升鼎耳可

憐揚子草玄人一朝失足爲新美愛爾文采爲爾  
愁爾無化屢投大水

有鳥有鳥名鬼車造作百怪凌空虛十頭一頭被  
犬嚙餘血滴濕能沾濡所遭之處有凶咎天陰月  
黑聲鳴鳴更有鴟鵂爾同類拾人爪甲屋上呼矜  
凶挾狡恣睢肝屋底驚愁婦與姑豈惟好爲小兒  
祟直欲唐突義和鳥不見退之射訓狐

懷璧行

古來豪傑耻豐積揮斥千金不少惜好士孟嘗與  
平原邑入常將共賓客自從貨殖傳史公遂爾醜

家世音身卷三十一  
八  
齷多錢癖賣漿灑削安足言銅山金穴亦何益大  
將軍去五侯來鄒馮臍脂並薰炙金谷風流石季  
倫墜樓人早飛魂魄有唐元載誠大愚底用胡椒  
八百石更有師王豎八哥逍遙湖上誇第宅玉津  
園中鬼火青木棉庵裏孽風黑歷觀自昔高贊人  
幾得令名垂史冊藏鏹積粟高於山珍寶瑰奇羅  
九譯門吏童僕倚爲奸後房妖麗盈千百朝朝歌  
舞賞花朝夜夜葦燈門元夕沉檀樑棟白玉堂眞  
珠簾幕綠熊席粕以澳釜蠟代薪鈿飾井幹椒塗  
壁寧知造物忌大盈况復求禍自貽威烟飛灰滅



倏銷亡明有人非幽鬼責昔時車馬恣豪華今來  
花月成悽惻朱閣暮雨長蒿萊碧榭秋風堆瓦礫  
君不見陶朱公用計然策扁舟五湖無定跡象惟  
有齒焚其身匹夫之罪在懷璧

感舊

文酒西園盛朋簪甘載分人情同覆水身事等浮  
雲蔓草王猷宅空山董相墳底堪回首處都付與  
斜暉

除夕口號

迎春饋歲任紛拏閉戶何曾遠市譁五十八翁真

好事小窻呵凍賦梅花

壬子人日

時初聞素亭下世

白髮逢人日愁傾竹葉卮  
達夫今又死誰寄草堂詩

立春後一日作

臘味仍餘酒春寒且試冰鞭牛  
纔隔日已自近燒燈

早春偶成示諸同人

時傷足尙未痊也

蹣跚辭舊歲酌入新春不作平原客  
樓頭誤美人

擬策過頭杖難騎卓耳驢諸君倘邀致還爲命籃  
輿

春日懷抱作惡撫今追昔曷勝愴然因做  
杜七歌自述非敢效顰前賢也

男兒耻爲可憐蟲明年已是六十翁早罹憂患晚  
坎墮挪揄鬼且嘲途窮豺虎磨牙吁可怖鯨吞鱷  
噬波濤洶嗚呼一歌兮歌思蹙回首那禁淚盈掬  
弱冠以來失怙恃獨當長蛇與封豕高堂一日未  
逮養鮮民之生不如死天耶人耶其咎誰父兮母  
兮空生爾嗚呼二歌兮歌聲哀天地頓撼爲徘徊

有弟有弟重堪傷一苦癡懦一慘亡死者已矣生  
奈何朝歔暮喑摧中腸安得老兄長在世漂搖風  
雨爲周防嗚呼三歌兮歌三續門祚衰微此可卜  
有姊有姊更數奇少歸富室老窮嫠夫死絕域嗟  
無子淚滴到泉悲地祇庶出一女復殤歿抱病兩  
載誰扶持嗚呼四歌兮歌且憤彼蒼者天真難問  
有妹有妹嫁王郎才思不數鬚眉強天壤咄咄爾  
無怪羣從過未何人臧但願生兒莫似舅幹蠱宅  
相吾兼望嗚呼五歌兮歌復喟萬事安得如人意  
有子有子固非一父書不讀真庸劣長者渾莫辨

金根幼者只知覓梨栗此日謀生百無能他年致  
身更何術嗚呼六歌兮歌正愁汝曹催我成白頭  
酒酣耳熱百憂集短檠長几恣漁獵此生不殊靈  
書蟲中夜起立時飲泣誰作冤親平等觀掃除一  
切歸佛法嗚呼七歌兮歌已終青春料峭生悲風

哭素亭四首

春王正五日厥歲在壬子曾不厄龍蛇云何君竟  
死論交四十年一朝長已矣已矣復何言淚下不  
能止

憶昨我傷足君曾相過視坐我牀第間勉我時曳

履我足尙未痊君病已不起倏爾隔幽明言辭猶  
在耳

人生百年間光陰一彈指死歸亦何悲生寄亦何  
喜君行至修潔惡者莫能毀不愧黔婁諡應有靖  
節誅

感念平生交略如東逝水白首春風前一樽設清  
醴座上奕聲收囊中詩草在哭君向寢門爲君賦  
蒿里

重輓素亭

家世青箱足典型白頭耆舊盡凋零泥我自情

難已駒隙君真夢已醒桂樹生前招隱賦黃庭身  
後換鷺經君最工書酒壚從此愁相過鄰笛淒涼不忍  
聽

送宋右臣之官粵中

作吏之南粵春風送遠行地連三水驛人向五羊  
城宦蹟聞陶侃家聲繼廣平羅浮紀遊覽定自有  
題名

寄懷魯心齋時由淑浦令遷瀏陽

四載黔安悵望頻三湘重問簿書身冲霄好奮搏  
風翼濡沫空慚涸轍鱗大兒時在君幕中驛路梅花懷舊

兩天涯芳草入新春別來倘有徵蘭夢莫忘封緘

報遠人

心齋正室已亡惟置  
姬侍時尙缺似續

玉蘭爲張厚田賦

懶隨紅紫鬥天斜素蕊唐昌許共誇濯濯眞疑蘭  
有臭亭亭爭惜玉無瑕三春烟雨樓前樹十丈觀  
音寺裏花莫更後庭歌舊曲東風開遍五侯家

再過厚田齋中看玉蘭漫成

輕陰漠漠護雕欄又得瑤華半晌看但是藍田能  
種玉須知楚畹可滋蘭霓裳初試春風暖仙掌高  
擎夜雨寒却笑謝家庭砌下扶筇有客共蹒跚

時余



傷足猶  
未痊也

輓蕙圃先生四首

廿載交情折輩行人琴一旦竟俱亡幾多往事難  
回首酒盞棋枰總斷腸

愁說蘭亭祓禊晨風花零落又經春只餘一掬傷

心淚兩月重教哭故人

君歿於季春二日視  
素亭歿時恰兩月矣

白頭笑語幾追歡永訣翻憐一面難

余過視君疾  
恨未能一面

也 三徑總餘松菊在過從此後共誰看

漆燈夜傍

去

北堂萱

時大夫人  
猶未葬也

齋恨應知向九原

最是杜門懷舊約

余嘗謂六十後當杜門却掃不  
通慶弔君忻然曰子長於我請

先之我後當引子爲例也  
而孰意君已不及待矣  
空將楚些與招魂

松晚招飲曉園南村別墅卽事漫成

乘興一扶筇探幽主客同竹窻堪避暑松徑自來

風揮塵斜陽外鳴弦萬綠中  
時較射園中正思河朔飲

肯放酒杯空

鬻書

春衣不惜典來多鬻到藏書意若何論古只愁勞  
記憶課兒翻喜免譙呵舊繙蘭筒曾浮白重省牙  
籤且晤歌從此掃除文字障好棲淵默事維摩

鴻編漸見散如雲列架空餘辟蠹芸秦國豈能求

趙璧漢家終是負明君百城在昔徒豪語三篋於

今渺舊聞莫恨失之還自我免教大擔賣論斤前

詩有阿翁銘識墨猶新  
大擔論斤換直銀句

定兒早慧四歲而殤四詩哭之

老去偏憐最小兒下殤未及更堪悲深宵一覺昏

沈夢耳畔如聞絮語時兒將歿時猶絮  
絮語如成人

百般聰慧早愁余兒過於慧黠余  
每憂其天折叔儻還兼更友

于緣此都爲兄嫂愛一番話及一歛歔

趨事承顏意緒多忘情其奈種情何年來學道真

無益千劫終難涸愛河

擬向禪那問宿因蕭蕭白髮暗傷神漫言此恨偏

敦我

世間此事偏敦我天下何人不笑兒樂天哭崔兒何也

更有驪珠失去

人

老友俞心齋止一子數日前亦以痘殤

題赤雅

四姓誇雄長諸岑甲土司天姬能破蠱木客解吟  
詩祀典槃瓠古娑羅卉服奇丁妝君莫笑雲韞盛  
威儀

雨中簡融一用陸放翁韻

曾譜懷人闕

前以懷魯心齋詞見示

應爲喜雨詩

時久旱阿

誰遊興劇愁負看花時

夏日卽事

共客棋初罷當杯酒易醺疎簾閒對兩青眼獨看  
雲老倚紅藤杖書憑白練裙吾衰嗟已甚莫誦北  
山文

賦得有道祠前漢槐

得槐字

有道荒阡半草萊青蔥猶見漢時槐南柯夢覺餘  
斜照北部人亡剝劫灰磊砢難諧流俗意輪囷空  
老不凡材風塵別有傷心處幾度離亭記把杯

送別多  
集於此

又

覽古看碑幾度來林宗祠墓鬱高槐只應黨錮皆  
名士未必天全盡不材老幹蕭疎還獨立盤根磊  
砢定誰栽車塵馬跡知多少仰止從教酌一杯

又

梁宗洙 見山

曾向東郊記把杯林宗祠外緬高槐人傳東漢  
千年物碑揭中郎一代才不羨守官爭雨露每  
依古道狎塵埃應知老幹濃陰下定自經秋長  
綠苔

寒夜感懷

幾度嚴城析愁聞相夜春庭梅香黯淡階竹影懸

鬆慷慨憑長鈇衰遲倚短筇宵深耿不寐爾思正  
憧憧

題近詩後二首

諷諭詩緣病足成一燈常傍短長更不愁鬢織千  
絲白直欲蟲魚了此生

湖海韓蘇兩鉅公一生豈必爲詩窮頻招毀譽緣  
磨竭不是身官卽命官

予以磨竭  
爲命官